

19 Julai, 1981

Sanusi ikrar hargai kepercayaan

KUALA LUMPUR, Sabtu — Menteri Pembangunan Negara dan Luar Bandar yang baru dilantik, Encik Sanusi Junid, berikrar untuk tidak menghampakan kepercayaan Perdana Menteri Datuk Seri Dr. Mahathir Mohamed, melantik beliau sebagai Menteri penuh.

"Kepercayaan itu akan saya tunjukan demi kepentingan rakyat dan negara dan demi keredhaan Allah", jelas beliau bila ditemui di pejabatnya.

Ditanya apakah langkah awal untuk mengendalikan Kementerian barunya itu, Encik Sanusi berkata, "saya akan mempelajari dahulu sebelum melakukan apa".

"Apa yang penting ialah saya akan mengambil tahu segala-galanya dulu sebelum membuat sesuatu".

Bagaimanapun, Encik Sanusi mengucapkan berbilang-banyak terima kasih kepada Tan Sri Kadir Yusof, bekas Menteri Kemajuan Tanah dan Wilayah dan bekas Menteri Dalam Negeri Tan Sri Ghazali Shafie yang telah banyak memberi petunjuk kepada beliau. Jasa-jasa mereka tidak akan dilupakan.

Encik Sanusi dilantik sebagai Timbalan Menteri Kemajuan Tanah dan Wilayah dalam tahun 1978 setelah memenangi kerusi parlimen Jerlun Langkawi.

Pada awal Oktober 1980, beliau diberi tugas yang lebih berat sebagai Timbalan Menteri Dalam Negeri.

Encik Sanusi, 38 tahun, berkelulusan akauntan adalah Presiden Kelab Bella Malaysia (MAYC).